

四庫全書

史部

欽定四庫全書

欽定南巡盛典卷六

天章

丁丑

江南

山東

直隸

詩

自嘉興一日至靈巖駐驛二首

攜李至靈巖一百卅餘里舟行縱順風比至亦晚矣長  
隄可跋馬篤速便且駛易馬行逾刻風帆落後已北南  
殊所習其別乃若此誰掛翰林帆

布帆有大書翰林者是日所見故歲及之

晝寢方隱几前行馬及之艤岸行且止

隨行無事之舟率令前行是日

易馬由隄行及之故反落後

謂後落後勞彼喜逸無比飽食倦且眠

夜到亦可耳

易舟寶帶橋取道石湖寺跋馬上方山復行廿里地申  
刻至靈巖罨畫峯愈翠坐我臨湖榭太湖在襟袂非歷  
半日勞那愜無窮意來往已半月彈指訝何易

### 再遊寒山別墅

靈巖紆罕蹕所為遊寒山春曉宿雨收千嶂泮輕煙遶

登下高峯天平在目前此則姑舍是已悉率戒盤過嶺  
不五里別墅爰至焉截薛屏陡壁逶迤枕平巒渟為半  
畝地激為千仞湍隨宜置亭閣面勢抱林泉昨去落梅  
英今來綻牡丹今昨信幻耳來去亦儻然凡夫果不凡  
即境知人仙中心以藏之句留蒼巖間

清暉樓

架木為高閣疏泉得廊池淙聲階下聽秀色坐間披筌  
奏新篁簫衣沾宿霧絃景參米氏畫神會謝家詩

聽雪閣疊舊作韻

宦光鑿石處引泉墮潭底其上有別墅我昔聞名耳今  
來乃一尋兩奇信並美而此舊所賞亦可稱觀止映心  
鏡如朗燭俗園成喜擬水為雪得水原雪之始請君忘  
耳觀聽可弗聽已

遊獅子林

蘇州府  
城內

早知獅子林傳自倪高士疑其藏幽谷而宛居鬧市肯  
構惜無人久屬他氏矣

今為黃  
姓涉園

手蹟藏石渠不亡賴有

此石渠寶笈舊藏有獅子  
林圖為倪高士真蹟 詎可失目前大吏稱未飾 叶

未飾乃本然益當尋屐齒假山似真山仙凡異咫尺松  
掛千年藤池貯五湖水小亭真一笠矮屋肩可倚緬五  
百年前良朋此萃止澆花供佛鉢淪茗談元髓未擬泉  
石壽泉石況半綬西望寒泉山趙氏遺舊址亭臺乃一  
新高下煥朱紫何幸何不幸誰為剖其旨似覺凡夫云  
慙愧雲林子

諸

文廟行禮

文廟建城南相傳錢氏園仲淹得斯捨胡瑗聘還尊惟

是重經術何嘗計子孫

相傳文正得此園形家以為子孫當世世科甲文正乃捨之以

為府學云

短長相較量終覺勝于門

過紫陽書院疊舊作韻

書院臨泮宮講學興賢俊斯為儲材地董率尤當慎潛  
老宏章寄相讓如廉藺章更閩中人紫陽道應振性理  
無奇言躬行敦至訓人已審所為改過要不吝去華以

就實素位惟守分克己苟弗力外染將乘釁遠因禮  
至聖宮牆仰數仞過茲接諸生為誦最新進暇當付刻  
藤揮毫意以運

蘇州起蹕作

金閭三日畧延留鳳帽平明啟蹕郵惠瀑重期清入聽  
靈巖迴望翠凝眸豈無餘意民情戀更有殷憂河務籌  
况復秣陵亟俟我便當減從一為遊

惠山寺疊舊作韻



峯峯晴色濯新螺紺宇珠宮借巘羅希有秘珍永寶四  
率成佳話實堪多春泉石罅淙聲細新竹風前弄影婆  
文字禪雖非本分要因淨業悅陀那

題漪瀾堂

一泓清照鏡光新耐可含風漾細淪印滿半輪千古月  
入龍鳳影數竿筠題名乍爾懷蘇軾肄業還應憶李紳  
笑我匆匆催騎去豈云瀟灑箇中人

若水洞

我昔撫石甃已愛冽且泚今探若水洞更識泉在此  
北谷孕靈液乳穴滌神髓九夏其中寒而況三春尾不可  
以久立巖齋聊徙倚展書悟為學進步詎可止澄懷對  
有源靜觀懷無始斯固太古然何乃稱陸子

寄暢園雜韻

水雲佳趣翫簷楹

軒名園中十  
二景之一

過雨林嵐滿目清也識

舟行紆十里奈他泉石繫崇情

遠峯近嶽滴新螺清曠名園一再過異世一家能守業

猶傳鳳谷昔行窩

九人六百有餘歲前度曾因佳話傳碩果今惟四好在  
了知壽者相非堅

松篁深處小逍遙紫綻藤花綴幾條今日錫山姑且置  
閒閒塔影見高標

自無錫放舟過丹陽駐蹕方瀆橋之作

迴鑾將幸徐金陵應必至六朝文物邦訪古吾素志寧  
無數日留復恐歸期滯無以每趨程原非為遊恣今朝

遇順風早停頗無事宣傳駐方瀆一百卅里地毘陵及  
曲阿瞬息度次第衆舟多不及中途瞠乎棄乃悟有快  
心即有不如意

駐蹕金山

揚子乘波換綵舸定光遙見石排峯吳頭越角纔經攬  
浪靜風恬幸每逢萬古東流目遊怡一時佳景興飛重  
往來屈指剛彌月爾許青山兩岸濃

慧居寺八韻

寶華深秀處問路記吾曾是日觀民暇青春佳興秉梵  
宮迎馬迎崎逕破雲登戒井誰當汲蓮池依舊澄六檀  
身口意三寶佛經僧淨業遵毘奈禪機謝慧能

璇題千載煥

寺舊名聖化隆昌  
皇祖南巡時易今名

鮎慕一心增小憩催

行轡耽斯理豈應

遊棲霞山

第一金陵明秀山所欣初遇足空前畫屏雲罨紫峯閣  
乳竇春淙白鹿泉梵業鐫碑尚清代淨因捨宅自齊賢

更誰鑿壁名紗帽只恐平原意未然

紫峯閣

一峯傑豎衆崖巔絢靄凝嵐秀撲筵不是匡廬瀑簾側  
也應名託李青蓮

春雨山房

山房號春雨雨景一斟酌萬籟靜亦悠諸峯翠如濯煙  
絲織空羅雲片張油幕農夫早歌舞行路來憇樂輟然  
笑子瞻曾是曾弗著

太古堂

水態將山致都觀唐氏詩何當蠲萬慮來度小年時

駐蹕棲霞行宮作

建業路由西棲霞遠可棲聲名冠白下樹木見蕭齊一  
宿誠多費諸峯率入題山房春雨足

春雨山房是處舊名也

頗望

霽光霽

面勢延清曠林巒景未藏流銀響琴瑟依綠撫琳瑯藻  
繪信何有茅茨覺倍強漫重舉僧紹傲志恐無當

遊攝山棲霞寺用尹繼善沈德潛倡和韻

久聞攝山名秀如玉而冠僧紹小隱處高節古今美拔  
地百卅丈巋峯凌碧漢衆山皆在下如翁視童仆畫石  
及落星歷歷皆可按圖經昔羶薌久矣繫清戀茲來綠  
省方秉暇遊禪院蘇民屋解澤對佛愧止觀咨爾肆覲  
牧峻宇何須辨

山房號萬松屨步尋深逕孫枝貌已蒼側幹形猶正何  
況古喬者孰不見生敬幾赦斧斤却益凜冰霜性拂星



自成景吐雲應號慶倭佗曾遺堯養真稱戰勝又如商  
伯夷乃得清之聖層臺一登臨民瘼當前凭元氣復也  
無謬濤何心聽

古人亦有言枕流而漱石不可無此意愛斯淙復峇懸  
崖仲璋琢其佛四十尺松撐雲態破竹迸埒形坼盤拏  
互轆轤如蓋亦如帘可以謝棟梁永此安巖壁峯迴路  
轉處化身更千億既不辨異同誰更分主客滌泉得品  
外盤陀聊憩息軒渠笑陸羽未遇此真脉跑曾聞有虎

名得因逢鹿每吐雲英英亦浸月瀉瀉

其始乃何年太古此澗谷蘚痕石縫間細注纔凝狀聞  
自候停蹕階下完成瀑斯事屬偶然不必稱更僕僕來

還僕去誰歟享清福迴首與山僧付爾聽真筑

山有白鹿泉曰

久就於大吏於此建書室備憩因稍為  
疏導遂成巨流飛瀑奔注冬夏不竭云

昂首最高峯巉巖拾級上藥草堪攝生含芳襲人賞北  
地見大江顥氣涵漫漭吾懷與之如廓然坦蕩蕩忽憶  
東坡翁赤壁曾獨往俯憑夷幽宮長嘯發逸響其氣蓋

古今其景融機象斯遊可同乎吾惟企遐想

藉問夏諺中遊豫緣何事江國災祲餘如傷猶未置嗟  
爾在位者孰非民攸暨邇來閭閻况畧悉巡春騎縱云  
免溝壑未稱富蔣芟矧茲乃所見寧無未見際供奉爾  
勿勞徒勞亦奚異蹈閑便遊山閒挈詩人儷索觀賡其  
章匪侈詞華麗

尹繼善入山閑工沈  
德潛偕往故有此作

萬松山房

萬松春晚坐山房雨後千峯濯翠光因迴為高步入古

受宜得趣意延涼閒聽倚巖濤翻鬣極眺鋪阡浪擺芒  
詎事遊山欣愜賞為民額手慶宜暘

幽居菴

綠雲深處結屋號幽居不辨明

僧紹張璠

肯真堪師友

予羣峯圍峭倩叢桂映扶疎想見伊人致徜徉賦遂初  
登最高峯望江放歌

坐井者不可與觀天窺隙者不可與決鬪鵬圖南技窮  
於居籠驥空北術乏於見囿得逸於勞見遠於高苟不

造極安識括苞吳頭楚尾雲島風潮上下億計劫東西  
萬計里魏吳相割據金宋互興圯一枕覺槐陰渺乎其  
小矣謾謾天風拂鬚盪胸濤入耳砰礚鏗蔭收帆息櫂  
羣避蛟龍孰知坐峯頂者豪吟虛閣之中霽光下照彌  
平野萊黃麥綠真宜農

太虛亭

太虛亭縱縱遙目一片晴光千里俱快意不關林壑美  
却因農慶憶杭蘇

登燕子磯觀江

峭壁捍長江探竒勝絕雙目窮空宇合耳駭雪濤淙  
鳥瑞殷祖泥駒造宋邦從來稱守德天塹詎斯從

遊觀山山永濟寺

濱江得初地插漢俯諸天鐵鎖連飛閣金繩闌福田  
聲風裏立花色雨中燃默默今何在彼寧非大年默默和尙  
向住此寺年過百矣辛未南巡  
時尚雙隸出迎今已示寂云

駐蹕江寧作

龍蟠虎踞古神區  
展義觀民六轡紆  
詎彼迤南山水境  
曰茲鑒夏帝王都  
春前耕植羣猶力  
災後鄺闌氣幸蘇  
解澤有何遍黎底  
憐他愛戴不謀俱

泛舟後湖攬古

太平門外蔣陵湖  
春波演漾含新蒲  
鳴榔煙水入深處  
濯清因以為清娛  
憶昔繁華樂遊苑  
穿池肄武陳舳艫  
熙寧洩水號濟困  
實與青苗意不殊  
勝朝乃復事開浚  
洲上置庫藏輿圖  
即今陂沼靜無事  
魚鰕者往同民俱

輕舟自謂忘機矣何乃紛飛鷗與鳬

大報恩寺

南朝四百八十寺惟有建初真最初步長千巷尋覺路  
想赤烏年創佛廬放燭天光鎮如彼登凌雲頂記曾予  
拾級聳眸姑且置千秋興廢慨憑餘

雨花臺口號

崔巍雨花臺蹟傳梁武帝雲光講經致雨花臺城不救  
嗟何濟文殊問訊維摩處乃有天花散天女一之為甚



可再乎著者空槌塗毒鼓

秦淮歌

祖龍東巡壓王氣通淮鑿斷方山埭癡心慮後五百年  
詎知亡秦在二世長源因此名秦淮縈紆建業達江隈  
時塞時流異沿革秣陵終免淮為災六朝往事難尋跡  
王謝燕飛誰氏宅風流江令倦遊歸惟見秦淮依舊碧  
楊吳竊據築金陵清波溶溶乃貫城十六紅橋夾兩岬  
蜀嬌越豔揚新聲千金買笑輕一擲纏頭錦是寒女織

會稱盒子鬪新奇  
薛鴨素羊飮珍食  
而今功令禁俳倡  
歌樓舞館都荒涼  
煙花麗景縱遜昔  
瘴邪敦樸誠良方

賦得鴻漸于陸

得時字五言八韻  
江寧試士子題

懿彼三同鳥  
玩茲上九辭  
陵終莫之勝  
羽可用為儀  
胎產則成幻  
天冲或有時  
去客郭瑀指  
來必季卿  
隨鳬乙  
任呼耳毳毛  
豈恃其樞梁  
原得致增繳  
底須施薄藻  
雁斯後載旌  
騎早知寄言  
觀國者尚勵  
賁來思

靈谷寺

鐘阜東南尋道林蔚然深秀松森森溪光山色宛其識

鐘聲旂影空

去聲

人心八功德水清且泚梵天震旦何彼

此更聞左側琵琶街鼓掌響應彈絲起非神奇亦非邪  
淫世尊早明示其旨乾闥鼓琴山河大地作琴聲迦葉  
作舞亦復如是而已矣

閱兵

建業開牙駐禁軍

當年深意守惟勤安時要忘忘危日詰武寧當視具文八

色旗分光耀旭千行士厲氣凌雲方行禹跡無非事  
大烈欽承最結聞

題雞鳴山

元黃剖判初江流山即峙山不自道名名況非其始六  
朝稱雞籠或云因形似易謂鳴者誰紛任後人揣漢魏  
前無聞時寧未有此或開處士館教授傳經旨或創浮  
屠宮清淨演禪理我來暢遠目元武澄見底欲倩揚清  
波稱謂一以洗

遊清涼寺

石城禮香界此路舊曾經  
淨業真稱白好山不改青  
欲尋辛未句因上翠微亭  
觸景成新會清機悅性靈

石城歌

依巖捍江據地利建置緬懷吳大帝  
舟師風利不得停一片降幡遂由出  
宋吞齊并相割爭石城幾閱凡與荆  
袁粲雖死固未死褚淵儼生何謂生  
省方偶此經層巘百雉埤堦猶完善  
孝陵締構想當年金川門開瞥轉眼

風雨中晦明  
宛右顧興悲  
應不免吁嗟  
德險守鑒茲  
及其守茲則已晚

朝天宮

冶城謁琳宇  
竹樹鬱蒼蒼  
弔古懷王謝  
遺風泯宋梁  
綠山飛紫閣  
守永鎖丹房  
顧譏吾恒恹  
寧同尚老莊

牛首山

聊以萬幾暇  
遊茲雙闕山  
丹梯登覺路  
白業訪禪關  
鐘韻響還靜  
吟情搜亦閒  
隙中窺倒影

寺西側一殿闕雙  
扇則闕寺峯形塔

影皆倒影入其塵念此都刪  
中實一奇也

### 江寧迴蹕駐棲霞作

三日金陵駐葆旌觀民率已悉民情尊親豈可不羣戴

疏淪都綠繫別營

將往徐州閱河

襄邑四乘將閱壩攝山一宿

且隨程較農所願收春雨遊景偏欣值午晴

### 玲峯池

天池一泓峯頂泌早暝不竭潦不溢豈許凡鱗箇裏藏  
時有卿雲波上靄南齊隱者枕漱日那見紅亭崖側出

為幸否乎泉自知俯清聊爾怡神謐

石梁精舍

即明僧紹  
隱居故址

高臺迴榭頗宜煙巒攬結幽竒遐想南齊隱士爾時未必如斯

萬松山房

一逕愜心賞數間容膝安濤聲晴亦雨蓋影夏應寒疎

固宜清寄密寧礙暢觀由來無不可彷彿在田盤

盤山  
萬松

寺為十六

景之一



疊浪崖

海濤稱排山崖容謂疊浪稱謂豈本然名字出想像叶  
翹首盼層峯誠有翻波狀谷神不獨工冰夷宛相向僧  
紹昔乘桴依稀於此放

德雲菴

英英靄靄鎮氤氲路轉禪房花木分那共闡黎舉公案  
諸峯都見德山雲

九株松

觀象為乾數合陽奇形古貌鬱蒼蒼攝山擬作香山喚  
九老居然會會昌

玉冠峯

舊名紗帽峯嫌其近俚適和沈德潛詩得句云久  
聞攝山名秀如玉而冠即以易之

宇宙以來便有此秀拔江南鮮倫比六朝近始著稱物  
持以名之豈其理彭澤不折五斗腰科頭散髮常逍遙  
假使賁然白駒賦夏收殷尋或可招迴轡沓嶂疊峻嶒

我欲易名難揣稱詩賡老沈得奇句神傳機軸真絕勝  
僧紹有知應默肯崔琰何人敢爾能

駐蹕金山

棲霞跋馬莅江干  
恰喜輕風不動瀾  
舟繫石簾纔過午  
級攀雁堵畧生寒  
雲來氣接巫峽遠  
月湧輪高海嶠寬  
饒得蒼巖泐新句  
他年又作舊題看

觀濤樓

地據江山勝樓臨潮汐奇  
憑觀悟有術妙理契無為  
月

鏡光明印風紈澹蕩披驚濤曾未睹允翁幸哀時

渡江駐蹕天寧寺

春江浪息曉風輕片刻瓜洲跋馬行舟易長川廣陵近  
岸臨別館午天晴詎緣問景常探勝要為籌河便趨程  
舞榭歌臺都不繫繫吾懷者是民情

遊平山堂

卓午行宮頗無事偷閒一再至平山花辭駘蕩紅紛雨  
林報清和綠可攀逾月風光易爾許千秋吟咏檢其間

何當向者留新什早泐茗華待我還

命築高郵城外石隄詩示董事諸臣

河水日以高河隄日以赴漾舟度高郵城廬見隄底無  
計使之與隄平生靈所繫驚心視前度淮城命砌石茲  
審緩急畧可恃無已下策仍用之糜帑固非所惜已愧  
我猶無疏濬能責人盡職斯非理鞏固崇墉保障資費  
期實用而已矣

運河行

運河之水東南流催漕風向西北遞風水胡乃太相選  
造物節宣有妙意順水行舟南者欣順風揚帆北者遂  
是謂天地之大公往來無不資利濟順風復希順水人  
不知足矣聽斯議

閱河示總督尹繼善副總河嵇璜

皇祖闢清口啟閉因時制高堰障淮東三壩尾閘置侵循  
湖漸寬頗有弗容勢卒未親相度因命增築二其三勢  
實危乃得開信智

高堰舊設三壩洪湖資以蓄洩伏秋  
湖漲至弗能容卒未南巡閱河命增

築其二與三壩而五以仁義禮智信為次多洩堰則固  
連相宣洩智信二壩非漲極弗得輒啟

高寶濤必暨其間亘運河諸壩復鱗次車邏及天然昔

人具深意不得已乃宣宣欲有次第而為下河者閉壩

堅持議一再偶獲幸

前河臣高斌堅持保護下河之議高寶田廬初得其利迄以壅閉致

潰

未可頻嘗試所以癸酉秋上下咸被沴其心可矜諒

其智誠愚昧設云鑒其轍保隄則了事開壩孰不能災

傷將歲逮審度權節通時刻謹消息叶五言慎大端推

行慎所自

恭和

皇祖覽淮黃詩韻

竹箭東流川氣黃清淮交匯癸壬方

六巡勞已無所逸

一念勤民如視傷休息恒闕足衣食賑蠲敢靳救災荒宣  
防前歲心猶惕即看洪波沸沃湯

開高堰工有作

癸酉秋之月沴氣行江南濁黃潦日增清淮漲復添清



口不能暢五壩尾閘渾而何膠柱者前議持愈嚴天然壩弗啟為慮下河漸究之乃大潰匪受害倍兼高寶危城郭與鹽壞閭閻上下雨俱敗何有修防諳其時河復決奪溜渾波淹不亟事堵築將慮洪澤占

叶

岌岌數丈

堰水連堰面涵億萬淮揚民殆哉奚忍談立命重臣往

分任各勉擔

是秋洪湖漲決高郵二閘而黃河復決銅山南徙特命舒赫德劉統勲等往來董率

堵築

焚棧莫惜費齊鄭助料僉

在工物料皆命山東河南轉輸速濟

其冬乃

合龍同日達奏函

二閘銅山均以臘月十二日合龍同日奏至

善後慎在茲

滲漏可視凡培高斷山骨取固灌米泔因工賑災餘度  
民來畚杵開歲績乃奏緩急庶可諶叶崇墉茲臨視容  
度停巡驟終無永逸策忸怩惟益慙

渡河駐蹕行營作

歲事南巡此渡江五旬餘日白駒過桃花水後全消漲  
天后風恬不動波彭沛紫心勞相去聲視淪疏蒿目歎如

何陸程計里應須趙武帳聊欣習慣多

將往徐州閱河命簡親王奇通阿率衆護衛

皇太后先至山東靈巖行宮駐蹕減從登途八韻紀事

有序

州維禹畫方見雅歌溯開國於大彭指名都於西  
楚聿自澶淵既徙遂當黃水最衝比至邇年益為  
險要當怒濤澎湃之際束於地狹則勢激而成危  
迫濁流瀾漫之餘分於力弱則沙渟而致淺中泓  
易阻上游受倒漾之災旁出多歧支渠有奪溜之  
患頻年告侵勞負捷於公卿鄰壤不登嗟釋來於  
黎庶披圖蒿目曾無長策之可施覽奏增夏孰則

成勞之可恃乃者翠華時邁清蹕言旋相望數程  
親臨周視惟是經途沮洳掖

輦非宜抑亦繞道過征輕裝取便爰簡親藩而衛從先  
駐勝地以憩留民事籌咨計往還者旬日

慈顏載覲奉

色笑於晨昏律諧八韻事述五言

禹蹟久湮廢堯災每大投漢曾通鉅野宋已賦黃樓近  
歲溢於墊乘時欲酌籌

安輿遵故路減從指徐州永逸誠無術預防要有謀策誰  
陳賈讓佑獨顧陽侯所恃芟兮捷還虞伏與秋未觀愁  
弗置觀亦祇增愁

欽差工部侍郎夢麟總河白鍾山等奏報荆山橋  
疏浚工成命議叙董事諸臣詩以紀事

去年秋溢孫家集大事芟捷塞決口餘波泥澱荆山橋  
微湖路塞水不受連延數郡被災沴未涸春田農束手  
加賑聊以救目前善策亟為籌其後冬官之亞適隨鑾

相度疏排汝其懋

叶

南北河臣

江南總河白鍾山河東總河張師載

胥本

責毋分疆界連臂肘集役脩物發帑償守土臣職晉也

就

叶安徽巡撫高晉

同心合力勉宣防豈在清塵供奔走淪濬

兩月工始成荆山水洩四臣奏

叶

二麥雖已失餅餌大

田庶可播畝畝酬勞獎績爾則應消患致和吾益忸

賜河道總督白鍾山

南巡江國周遭歷不使河干負弩朝嘉爾導疏合優叙

肯因小節課臣僚

安瀾

龍王廟六韻

皇考勤民瘼

龍祠建皂河層甍臨聳壩峻宇鎮迴渦

旌祀精誠達安瀾永佑歌彭城將往關宿頓此經過捍  
禦方多事平成竟若何所希

神貺顯沙刷輯洪波

舊邳州

艾陽遷業

聖恩留

康熙己巳年始改建州城於艾山南

患自羊山初改流一片白波浮

故壘土人猶道舊邳州

七壩

西來近彭城川狹河益曲曲則名生工蹇茭事修築昨  
過夏家路七壩茲經復疊葦禦洪濤洞心吁駭目尚聞  
水工云如此不一足救急固云可經久誠非淑以官為  
家者方藉資津漉譬如人無疾爬搔偶成毒毒已雜方



金史卷之六  
卷六  
投禍多鮮見福

所過示總督尹繼善巡撫愛必達

所過沮洳鄉民艱觸目是入疆規田野大都荒蕪矣高  
地縱種麥或冀半收耳低地麥復澇青黃將安恃翻犁  
播禾黍復苦無種子官借雖有例吏胥弊無已罪固孔  
距心吾豈徒責已方伯日隨鑒爾我同見此設更無實  
政責又將誰委方面建有司如臂之使指其遍歷窮鄉  
民瘼周詳視開倉貸穀種加賑賙流徙惠必使遍霑仍

防蠹役技最哉各盡心底俾瘡痍起

麥田

麥田狀不一高下損爾殊高可望餅餌災後口聊餬下  
者春即潦根黃苗半枯哀哉甿甿民食將近奪乎加賑  
至夏五倉儲嗟無餘博施古已難况多蠹役徒豈如接  
青黃各為足食謀見高固少慰見下增憂吁慰不抵憂  
多民艱紛蹕塗

渡河駐蹕徐州作

畫州思禹績建國緬堯封楚漢惟蝸角山川實地衝澶  
淵徙以後渤海入無從通日淤尤甚防秋策預供用爰  
紆六轡都大為三農恬浪徐鳴槩洪流高指墉驚心斯  
創見著意敢辭慵寧更言多費惟勤救鞠訕石隄築一

律

徐州北面護城有石隄而東西皆土隄命易之以石

葦埽勝千重惟是補偏計

曹無永逸庸黃樓讀昔賦宋代即今踪謾詡新沙刷

水工

云近日城下黃流較前刷深三尺許

寅哉茲偶逢

災餘

災餘癘必行古人言之矣將為徐州行大吏云宜止去  
去關民瘼寧忍復避此銅山莅古邑菜色嗟怒視藍縷  
鮮完衣踉蹌或無屐實澤果遍及仍然故何以太醫雖  
庸醫王缺珣珙美四鄉分往救所司撥藥耳叶斯固子  
產惠應勝魏公指視爾傷曷瘳曰予愧無已

彭城河復

蘇公河復昔非復彭城河復今仍河何以謂之復解嘲  
聊爾為斯歌漢唐以來通鉅野燒草不屬無如何浸淫

呂沛漸多事川狹濤怒騰盤渦然惟宜合不宜散合資  
刷沙離濤波斯流雖古有成語徒見其害利則那去歲  
奪溜孫家集中泓力緩沙淤多隄旁水誌度分寸泥停  
五尺高益加桃汎湯湯已拍岸伏秋轉眼難延俄用是  
切切愁弗置紆程歷覽親研摩下策仍惟事修築易石  
鞏固周遮羅水工喜稱漸復舊數日頃爾形遷訛三尺  
沙刷餘二尺誌在敢飾虛言說此亦偶然慢過頌靈實  
昭矣感不磨

遊雲龍山作

彭城駐輦屋河防咫尺雲龍戲馬旁  
本意原非是山水偷閒聊復訪蘇軾張天驥  
翠峯夏首闌林葉綠野風清泛  
麥芒底事今來艱迴句為民籌濟為民傷

大士巖

峯有飛來像豈無色空空色定同殊  
普門誠切宏慈願利濟應殷此際夫

試衣亭用蘇東坡韻

甕乏黃蘆身缺衣民艱露見訪斜暉祇餘恁若先憂切  
那有軒然逸興飛

放鶴亭歌

水石豈千年羽衣早翮去何來雲龍頂依然有其處疏  
軒眺遠樓嶙峋階前亦立胎仙羣坡翁公案一重唱爾  
時更有張山人青山綠野古徐州黃河之水東南流本  
意登臨豁遠志宣房深計翻增愁

歲馬臺用謝靈運詩韻

謝客昔攬勝摘藻蜚白雪逸志託邱園  
皜皜秋陽潔西來為籌河彭城此駐節  
導俊無良方俾乂資賢哲旋顧災餘民  
食乏衣並缺八珍為弗甘寧能暢遊悅  
雲龍有蘇蹟秀色城頭列途便臺頭寺  
即歲馬古臺也清詞記一闌放鶴已憩  
驂戲馬慢停轍寄言賡佳作伊人所懷  
別汲古緬心藏撫今慚治劣

孫家集

去歲霖為災漫灘遂奪溜

上年秋汎後黃河漫溢孫家集是處本無隄工以備盛漲



例於秋汎後補築水衝溝渠而富勒赫漫視之兩年未嘗補築遂致成渠奪溜特命尚書劉統勳督工堵禦河

流始復故道

先事防少疎禍致不可救非人用鰥官吾過其

誰售連延淤荆山齊豫胥滯邁用是深屋懷王臣課奔走捍禦築決口疏淪通下就今來閱崇隄未雨為綢繆

叶

層層牢關鍵切切防滲漏此誠燃眉計秋遙奚善後

登黃樓作

岌嵒傑構俯徐城黃堊還存玉局名作鎮千秋彭與沛

祀賢並坐弟和兄

樓中胎塑子瞻子由像

我詩傑句真無就夫子

當年妙獨成

二語蘊括東坡黃樓詩句意

太守為民猶切意况吾飢

溺敢忘情

再題黃樓用蘇東坡韻

黃樓登不可無說更讀蘇詩引興發上惟青天張幕圓  
下有洪川流笏滑脫胎高坐兩賢人便欲拾級嫌塵襪  
遐想九日勝賓筵痛飲豪歌鸚鵡呬亦未因樂忘憂民  
後築王尊督錨鋪我來黃水雖刷沙災後飢民景憐然  
北瞻沛沛開霸圖南望雲龍羅梵刹城頭曾不淖泥侵

河中亦有鳴榔軋即景都弗減愁懷解嘲險韻聊吟壓  
泗水無從覓津滴楚山依舊團螭蟄嗟我羣黎乏衣食  
那有千村畜雞鴨建議紆程切痼瘼詎同攬結尋茗雪  
初議至徐州閱河大吏僉以頻次為積雨停潦所侵經  
連淖渚多方沮止朕以籌河恤災非事遊覽不可中輟  
排衆議登程連日晴明  
安驅周覽一如初指

渡黃河

春巡來往六東舟總喜風恬濟巨流民務河防予並厓

天禧

神貺衆蒙麻越山吳水別江國齊郡燕畿指陸郵只有  
此都人太鞠不堪感額望迴頭

荆山橋歌

石橋三里許以長如虹蜿蜒飲兩塘南北咽喉形勝控  
春秋節宣計畫良東接睢邳耕桑野西連豐沛王霸鄉  
我曾坐照資利涉發帑修築乃如常

乾隆丙寅發帑數萬修橋至丁卯年

告徐州省方今迴蹕路便因度斯輿梁去歲孫工河奪  
溜聞道經此東歸洋一百餘孔不足洩其時水過橋面

強水過沙渟半淤澱微山遂壅趨壑方疇咨督課連疏  
浚即今尾閭繞通航吁嗟民艱觸日是善後之策猶茫  
茫

入山東境

去去雁鴻減行行雞犬繁一朝渾別省百里易方言對  
此慰誠切過來愁尚存亂山合沓處回首是彭門

韓莊閘

韓莊界微湖蓄水以濟運猶恐春水弱冬令例疏濬去

歲黃瀆溢壅遏湖流順泛溢連運渠無從辨隄堰即令  
漫繹道轉漕遲北進荆山近雖剔十未減五分立馬望  
湯湯播種待數郡艱矣籌何防恧哉念民困

降旨截漕十萬石為徐州鳳陽各郡縣倉儲之備

詩以言志

加賑至夏五民猶未免饑平糶及借種諸政命齊施常  
平雖積貯展轉將無遺我身縱北來我心每南馳彭城  
實親歷瘟疫方時時不待監門圖目覩嗟流離鳳陽所

屬縣聞亦同沛徐叶惠但施經見向隅豈其宜夏非截  
漕時災重不可泥叶分貯補倉缺緩急可賴之與我共  
治者寧非良有司體此在抱心推行其善為

麥色

麥色北來日勝前黍禾鋪野潤芊芊含風沃露清和月  
逌歎希豐齊魯田境不災荒方講讓戶多絃誦自興賢  
蕭豐均是吾民耳鵠面鷄衣劇可憐

詰

闕里瞻拜

去歲躬親奠

素王廻程重謁

廟堂皇誰知獻馘翻成僞

去春以上年平定伊犁親告闕里啟蹕時遑得擒獲阿

睦爾撒納之報久之乃知策楞等為賊所紿輕信妄奏

遂致餘氛更搆殃

逆賊既未就獲

颺竄哈薩克其餘孽尼瑪等復與噶爾藏多爾濟糾結為亂

豈礙告成斯局定曰惟

聲罪不庭方

祖功



聖德胥垂佑在泮行歌載輯章

駐蹕古泮池之作

古泮城東在鳴鑾此日停壁詩宛隔歲

去歲駐蹕於此壁間留題庭

栢只常青自較槐廬典况看石沼潯卑宮近思訓切切  
志遑寧

皇太后車駕至泰安行營問

安紀事

紆程十日往徐州齊甸言旋傍麥秋趨謁

起居倍常敬慘舒民氣

奏從頭

謁

岱廟六韻

春巡限定程望

嶽寄遙情用趁迴塗便一申肅拜誠震方惟

帝出寅德肇人生仰載無私禱祈年有屏營英雲龍寶殿

佳氣護層城退憩尋環詠

環詠亭在廟西側四壁刻歷代遊人詩

詩裁不

易評

登泰山作

合雲亭度棧紫紆旬歲重教履巘途昔日今時渾不隔  
登封降禪總無須儻來憂樂亦矣矣試問山川亦異乎  
昂首天門三萬尺到因步步積工夫

壺天閣

迴閣昔經坐今來無復登攀躋緣未暇攬結識吾曾碧  
水自深澗白雲指上層勒崖多舊句歷歷可明徵

迴馬嶺

昔人迴馬地進馬跋巖局夫子有明訓功母一簣停

朝陽洞

當年題句處灑掃備延停雲棧有翹白岱峯未改青不  
教鎮留憩緣是舊曾經率以勞為逸天門即叩局

十八盤

猶記昔登十八盤坦途高架丈餘寬曾因過費飭方伯  
率為趨平奉

大安

戊辰恭奉  
道險峻奇成坦

皇太后安輿登岱有司架木為棧今  
遠茲來朕策馬以登不令架木

度揮鞭吟馬上不教做棧闢雲端石梯拾級千層迴却

喜巖峯本色看

登泰山恭依

皇祖詩韻

春月南巡限程迫題詩興寄碧峯頭設如兩度皆空過

辛未及  
今丁丑終覺一心太率浮謁

聖纔辭曲阜驟登山遂至泰安州乾坤普照

天襟廓景仰

奎章萬古留

瞬息十春巖電影年來憂樂憶從頭誰能石上三生認  
且看煙中九點浮幻矣仙踪謝蓬海憫哉民瘼指徐州  
雲巢若問前巡事

或項行宮名戊辰三月  
孝賢皇后得病實於此

潺灑空庭

不忍留

登玉符最高峯得四百字

春巡氣尚寒有興未登眺清和茲返輿日長况早到宇

宙最奇處空過山靈譙設如逢炎暄揮汗亦何要時景  
值佳會况鮮幾務告邂逅不可失一暢智仁樂園北啟  
便門不必命旌纛肩輿陟崇椒林鳥為前導推婁羅疏  
峯威紆列層嶠陡壁若無路一綫穿林微或如田見龍  
或如霧隱豹或雄以狴犴或深以窅窈或秀若丹青或  
壯若廊廟樹抱石為胎泉飛峽成調山花霏細芳山禽  
遙幽噪歷歷所攬結朗朗開懷抱舍輿還進步何藉筇  
屐起初至半室巖屋屣以柵窖方狀儼維摩不著天花

落葉為想詩僧逸頓息塵緣開躡險捫煙蘿洞有白雲  
號膚寸一脈起澤應三農禱證盟功德頂調御真古貌  
巢鶴最高處仙胎宛可召應接乃無暇竒觀拱四照南  
瞻日觀峯是我昨所造北睇鵲華翠雲中辨隱約其東  
朗公近疑聽錫聲標惟西乃豁開來路盤崖隩已覺鮮  
其匹便欲觀其竅設匪片時勞安識無窮妙蒼然日色  
暮歸路尋舊峭憶昔可公輩別傳西竺教想亦巢許流  
林泉寄笑傲侵尋事莊嚴逐末吁可笑其師若有知弗



許頭應掉有為法終幻成壞像相詔猶然冀施檀云有  
福田報松陽坐靜觀萬緣信誰覺忘物我未能吟懷且  
推敲

恭奉

聖母懿旨啟蹕還京紀事

有序

徐方時邁

鸞馭暫違曲阜言旋

帷宮載觀迨蒞玉符之勝境泉石蔚其清涼聿奉

鑒輅於名區飲膳調其旨適迺頒

懿訓俾速星言奏小憩以同行未蒙

慈允用首途而過發仰體

聖懷中宮率嬪御以承

顏親藩整師徒而扈蹕稍稽旬日佇待

起居詩紀五言情抒六韻

南巡三閱月北至近臨期

方澤躬禋祭明庭臚選時皇都程尚遠

慈馭速非宜况

喜名山秀欲

留幾宿頤親藩簡護衛宮眷畢追隨

懿命關勤政前驅

志敬茲

過運河

一水宛分趙與齊浮橋飲練接長隄去纔弱柳含煙嫩  
迴看來牟擺浪菱較雨量晴以度耳慰豐愁儉亦紛紛

僕人惟識皇州近揮策誰能惜馬蹄

降旨免濟寧魚臺等五州縣積欠詩以紀事

齊南五州縣去歲秋霖傷荆山不能洩率因河為殃春  
巡始知然督課疏濬忙茲來問涸土一半纔播秧其餘  
尚沮洳安可冀秋糧無收則賦艱災黎焉能償亟應籌  
撫卹詎可言出疆是日已過德州加賑至夏五更無施惠方廉  
知負逋賦其數十萬強梁與竊微輸閭閻俾樂康羣赤  
庶少蘇努力西成望

紅杏園

簾樹羅紅雨庭莎深綠雲去來原未異春夏若為分樹  
較鴛廬與池饒水沼文田田見蓮葉龜巖誦清芬

駐蹕趙北口作

萬柳跋長隄江鄉景重題誰知今趙北大似向杭西魚  
鳥悅人意靡蕪惜馬蹄渚宮乘興到雲水盼清淒往來  
三閱月滿灑一憑窗了識隙陰速未能塵意降風漪青  
草接沙渚白鷗雙款乃雲汀外漁舟唱晚腔

新城道中

北來麥益佳黍禾亦日好自此晴雨時西成冀萬寶邇  
來頗災蒸土燥埋秧小朝露雖畧潤終覺為澤少為之  
復望霖因以常年考春旱率成例祈至花開棗麥秋恒  
歉登大田尚可保豈能如今歲綠野懷新早蜀望人盡  
同欲速詎非躁叶自解雖如斯希澤終縈抱江浙晴方  
佳燕齊雨滋妙叶寰宇九萬里畢願時若報叶慰少憂  
恒多分應箇中老

良鄉行宮晚坐

停鑾來往近皇都  
暫憶南巡此啟途  
三月光陰誠迅矣  
百年久暫豈殊乎

展義從來重豫遊  
曰休曰助悉心求  
觀豐未覺饒同樂

視歎惟因切先

去聲憂

越水吳山攬結餘  
北來饒得事何如  
清歡未抵殷憂盛  
不在蘇杭在沛徐

甌香斫淨值幾閒  
記里詩篇自改刪  
却我無心戀江國

是誰有意賦東山

南巡迴鑾駐蹕圓明園之作

麥登秋穰黍全耕喜氣迎鑾達帝京又此南巡成北返  
恰看夜雨值朝晴是夜微雨康功災壤憐羣赤勤政明廷接

九卿

懿旨身遵心

膝下所欣旬日近歸程

啟

皇太后駐蹕靈巖以十九日  
鑾回京午熱緩行計當遲

十餘

日



恭迎

皇太后車駕至暢春園得近體一律

方山佳景似西池

養志因成小憩遲

旨遣歸勤大政問

安頻遣繫遐思歡迎

鳳輦臨長日恰駐仙園協清時廿日寸心縈頤釋階萱庭

栢總含怡

欽定四庫全書

史部

欽定南巡盛典卷七

詳校官國子監學正臣常循

欽定四庫全書

欽定南巡盛典卷七目錄

天章七

乾隆二十七年壬午

御製古今體詩

欽定四庫全書



目錄

欽定四庫全書

欽定南巡盛典卷七

天章

壬午

直隸

山東

詩

恭奉

皇太后南巡啓蹕再疊前韻

有序

年占午正宜揚南國之旌月肇寅生爰效東皇之  
駕當朔塞九功奏凱慶逮乘時况

西池七秩稱觴惟逾獻歲時乃燕臺日近魯甸春迴指吳  
頭則堰莅觀河臨越角而塘循捍海詔卻綠棚燈  
幔何以文為風陳巷舞衢謳無非事者然而典符  
三接辰紀十周求民莫以給舖厘呼庚癸體

懿懷而紆軫重閱辛壬維再巡令則還仍用誌憑軒伊始  
想一路懽聲可即如言候仗何遲云爾

初歲開壬甫背辛答陽任養叙彝倫添

籌纔度七旬慶養

志還符五載巡每為賑賙傳蹕止

本擬辛巳南巡以下河窪地偶值偏災復改為

壬午幸逢給足俾情申南轅始命展軔僕澤國遙懷引領

民寧以行時吳與越肯忘遇滂衛還陳十行不惜恩加

月

去秋豫河漫口奪溜數郡被災亟命地方大吏妥為撫卹開年復命從優加展賑期

四海惟期

澤普春日奉

慈顏心有喜途臨韶序景從新行宮所幸前遭者武定聊

無籌筆頻

丁丑南巡時賊酋巴雅爾等構釁兩路進討軍書徑達行在故有敢廢軍書裁決頻之句

駐良鄉行宮疊雋作韻

金定四庫全書  
卷七  
黃圖古冀緬盧胥堯以為心久愧諸惟是敬誠凜無逸  
庶幾風俗復還初時巡民瘼體母怠日侍

慈顏樂有餘詎可深宮圖宴息聖人見說貴鵲居

良鄉行宮奉

皇太后觀烟火即事得句

時巡啓蹕先

去聲

元宵初頓黃圖路不遙迎節欣邀

慈間豫送鑾況集外藩朝

是夕在京王公及外藩送駕者皆令預觀

紫瀾欲定

風澄晚七寶將圓月燭霄大野春鐙民共樂廣陵却笑



躡虹橋

良鄉行宮再疊舊韻

立春昨日欣逢雪便覺春琴謁帝江啓蹕正宜迎氣始  
行宮韶旭曠明窗

心欲其安身欲勞挑燈義府足怡遨賦詩何必多明憶  
每至摘詞興輒豪

清風一牖春秋韻明月滿庭今古情無盡歲真大公物  
坡公游戲語猶誠

翠華三度指東南遮莫避情覺已酣豁賦省耕度入聲河  
務其他無欲孰窺探

郊臺

廣陽南五里封土建郊臺每過欽

天祐非闕詡域開戰袍解昔勞去聲纏帽扈今來年班來謁

今隨行過上元始分路命侍衛帶往各城迴憶誠徵倖淵衷益慎哉

弘恩寺

祇園古道左來往駐旌仍僧有毘尼行去聲梵言毘尼  
華稱戒律

也佛無聖見乘

聲聞緣覺無凡見尚有聖見惟佛來始無聖見

時禽鳴意喜靜

室憩心激即境思名義數恩亦欲弘

### 涿州行宮晚景

涿州出南門行宮向遠原底須事藻績亦自有亭軒西  
嶺銜春旭東蟾貯上元郊燈真足賞民俗藉堪論豈不  
還淳念其間同樂存清宵閒點筆爆竹聽村村

### 涿鹿行四疊前韻

行宮近隣凹字城至今四疊涿鹿行昨辛耆定識僥倖

前丁擘畫思分明如願麥熟千村飽

去歲麥大熟

夏田苗秀

誠亦好不期秋霖忽致澇救災蒿目乏術巧匪民之過  
皆我尤猶幸此方蒙

眷稠豫省河決乃大沴賑濟不教餘力留重臣馳驛往督  
築幸能瓠子全功收往來巡狩無非事萬方方寸勵慎  
修

紫泉行宮十詠

敞軒

千秋一水帶新城  
變紫伊誰浪與名  
稍葺行宮省駝力  
疏軒早見敞三楹

屏山

圖水寬因致山聳  
三峯當戶畫屏風  
訝看中吐英英氣  
能爾為應王氏蒙

鏡湖

湛淥溶溶數畝涵  
碧波消息遞江南  
開奩設使譬明鏡  
却憶貞觀有理談

舫室

飛鳧不繫鏡湖涯似效昆明石舫為好惡毫釐可弗慎  
未期安處早慙斯

樓亭

四柱孤亭臨石坡樓毛密葺耗婆娑雖然從儉還新樣  
比似茅茨祇覺過

虹橋

長橋飲練學南國顛米詩情憶宛然幾度吳江訪古蹟

不知其處祇名傳

魚罾

渚畔魚罾得所償豐於竿釣儉於網若非雲水滄浪意  
子莫執中底所長

石迳

十畝間園五畝宅迳惟曲折爾能長因之悟得行文法  
不在縱橫在抑揚

竹塋

風處鏗然月處虛幾竿牕外足扶疎春來紫戢猶勻土  
已覺千雲勢有餘

箭廳

駐輦還教集羽林學文皇習射親臨尋常點綴渾餘事  
嘉此知予奮武心

駐趙北口行宮即事

跋馬雄縣南須臾長堤莅行宮知己近烟柳柔條肄于  
邁指江南江南消息遞漁村與蟹舍近遠坡陀寄積雪



水鋪仍新水春生未野老捧木盤一雙水鯉置還鯉命  
賚之嘉此獻芹意

水鄉

水鄉也自藝桑麻去歲霖霖潦啗沙絮矩原田經滯者  
合教一例賑期加

上元日侍

皇太后宴

南巡東陸奉

慈鑒三五昌宵月正團四海為家欽養

志萬年介祉永承

歡冰花火樹輝行館玉妝銀梁供大官此樂本來天下共

即看祝

嘏侍江干

駐蹕思賢村行館題句

漢家太傅有遺祠行館於旁樸且宜兩字思賢易新號

舊名四善村  
因改此名

千秋稽古藉先資閭庭不改風還月歌棠

依然易與詩一宿明當發清蹕已安容膝底多為

題授經臺

高臺喜識授經名太傅猶稱處事明河內後來傳趙子  
淮南先是受賁生詩殊東魯意頗合易是專韓義獨精  
憇宇怡依林屋側畢然望古集遙情

題毛公祠

村尚以詩傳心儀設教筵淵源子夏訓詁速延年愛此

儒祠古兼臨行館便

地方官備數字憇舍於祠  
旁既樸且完稱莅止焉

展書樂

欽定四庫全書

卷七

清暇妙契鄭家箋

於毛公祠旁行館作

行館儒祠畔春風特地臨  
無邪蔽三百有傳至而今  
已喜書筵潔那更石徑深  
卷阿稍伴真可愜昔賢心

即事

駐輦春風日又斜  
傳宣守吏問桑麻  
災區賑濟還當貺  
憩宇鋪陳底足誇  
且喜說經近毛氏  
不須買節學錢家  
京都放燈自十三日至燕九茲以  
巡幸在途十七十八兩日命罷之  
行樂清夜無繁貼名

教中原樂趣賒

示直隸總督方觀承及其屬吏

驅車過瀛州縱目瞻原田原田有積水冰凝雪鋪連秋

麥既悞種

去聲

春種

上聲

亦覺艱去歲潦非常調幕吾惡旃

賑救或少靳災黎何賴焉村行厯觀民色實鮮饑寒都

稱賴麥稔早收穫潦前此語疑信半況在蹕路邊其不

經見者寧無向隅人

叶

我惟加實惠爾其勉勤宣官階

大小殊民父母同然各盡保赤心蒼黎庶多全

紅杏園三疊前韻

今杏仍昔園兩度曾駐輦乘陽令時令爰復停雲館撫  
景驗貞元晰理窮幽顯更無軍務殷喜有經書展迴思

此問夜始籌王旅遣掃逆兼靖回

丁丑駐此時雖伊犂已定而賊黨巴雅爾

等乘阿逆之窺觀望煽動方命將士乘春進討今厄魯回部悉平為憶爾時行在旁午不禁喜暢倍增也

天恩錫盡善

燕九日賜隨營諸臣及直隸各官食

修市行營御邱仙節日臨度疆留牧伯

明日入山東境直隸各官皆留

危駕有纓簪宜與開春宴因之愜衆心筠冲常預席隨行

回部王公等並  
得依次列坐食椹擬懷音

賜衍聖公孔昭煥

翠華迎謁蹕途旁德業宗風想益覆取道迤東卿且返  
迴鑾當一仰宮牆

過德州運河即事

卧波浮釣亘通津夾岸肩摩接駕人按轡徐行還徹蓋  
鋪衢隨覲不嫌塵益祈田穀資其食所喜民情向我親

去歲此曾遭異漲迴思猶為恫瘝頻

駐蹕德州示山東大小吏疊舊作韻

東省斯惟首頓居狩巡五載又臨予詎欣駐處間庭廓  
尚念災餘比戶虛申命官箴宜惻爾設云民感益慚如  
十行頻有思綸沛要在推行善體諸

四依

皇祖德州卽事詩韻

五度德州路民風不改初有成尼父語吾愧魯論書去



歲盛秋霖協時乖曰肅竭力濟昏墊千村幸飽燠

賜山東巡撫阿爾泰

承宣原佐治安撫遂專衙

阿爾泰由山東布政使擢本省巡撫課吏旌清

慎勤民重麥麻入疆此所慶行館彼非嘉

鄭城行館蓋因地名鄭子

園之舊增葺數椽用備臨憩阿彌泰以

化雨青齊被希

連政豈賒

德州行宮疊舊作韻

京畿東首茲門戶水舸陸車滙路程幾宇行宮原早就

一時賡韻又重成且遲柳色迎隄發已喜梅香對座榮  
遊豫大經曰休助載咨方伯體予情

賜河東河道總督張師載

去歲楊橋決予當咎匪卿從來不諉過正爾憫奔驚

初報

漫口時張師載引罪惶遽曾諭以此非人事所能為慎勿張皇失措

清白揚前烈

師載故禮部尚

書伯行之子

莫安觀後成修防益勲德最此繫民生

徒駭河

策騎過徒駭禹功猶可稽由來大事舉艱致衆心齊故

道難循舊秋霖藉洩低今運河秋漲由此洩入海益慙三度往訪蹤

議防隄

三依

皇祖南巡過濟南詩韻

百里桑麻率有城無非保障厘民生與吾共者二千石  
漫爾徒稱天下平潦後尚嗟溝壑轉春來那見色家盈  
巡方惠政循

前揆詎為華不翠色橫

崗山疊舊作韻

十日行春盡郊野今朝發駕見山姿逢迎喜與峯巒近  
駐蹕纔方卓午時

雪積陰崖勒薄寒和門武帳向南安予寧慮闕豐裘暖  
慮在多人布帳單

生色圍屏畫意裝謾聲泛出籟含涼前番却憶雪中見  
依舊行齊松嶺陽

翠雲千疊弄春晴抱石為胎強項生落落寧同凡草木

却隨冬夏變枯萌

靈巖寺疊前韻

玉符祇苑由來久巖有佛居合號靈豈必吳中八面塔  
請看歷下五花亭松因摩頂今聽法泉自渡盃古瀉渟  
別館近旁堪一宿清虛端足謚神形

駐蹕方山疊舊作韻

誰向丹陽借宋符

江南上元縣有方山宋元嘉時何尚之退居處其地為丹陽郡所轄按山

東志載方山在長清縣界雖名同上元實即水經注之玉符山也

佳談一例助遊娛何

須此是彼非論不異水流山峙區行館數間堪駐耳好  
峯幾疊試登乎前年已是攜圖去今日居然身在圖

再題靈巖寺八景

巢鶴巖

羽客本來瑤島種何因瑞相兆開山應緣命命同飛去  
安養道場聽法還

甘露亭

甘露前頭甘露亭淪泉洗鉢出蓮青無端津逮闍黎口

說法猶當字字罄

卓錫泉

都大縑流也好竒錫傳乳竇注山坡玉泉第一惠泉二  
問爾神僧卓者誰

摩頂松

長安辭闕求西竺摩頂松何在魯東遷固猶然有踏駁  
稗官奚恠語多空

鐵袈裟

鐵鑄袈裟圖久住誰能著得自元趙蒲牢設擬鯨魚發  
也似鐘聲披七條

白雲洞

天半嵌巖名白雲晴空無雨亦氤氲前春憶得探奇到  
路自英英蔚處分

雨花巖

維摩空裏文殊問那是如來不二門付與層巖雨花者  
更無人說默無言



愛山樓

潔治行宮備豫巡高樓納得好山皺設云仁者有同樂  
便擬當春澤物均

降旨免山東被水州縣積欠詩以誌事

夏諺曰遊豫其義重休助此地昨秋潦宵旰憂慮春  
來寬大詔率已屢頒布經過切體察老幼迎蹕路雖云  
無菜色猶懼有薪措廉知餘積欠期緩終應賦不如一  
與豁俾免催呼遽安心勤耕農有秋冀可遇

填倉日作

餅節途中度民風取次探炊烟村樹引漸水野橋含問  
俗新棉有充庖嫩韭堪落莫纔數日積穀厘餘三

望

岱廟

岱嶽崇隆百里瞻蒼陽

岱廟位精嚴禮官肅祀儀雖備

巡蹕將經  
巡遣官

岱宗首  
告祭如禮恭

已欣翹敬倍添

居震德宏六子率配

天澤厚萬方霑心馳未覺雲山隔敢曰誠通冀福謙

過泰山五依

皇祖詩韻

靈巖謂是高無比更有高峯在上頭瞻魯象曾詩裏想  
青齊色忽路前浮禪封玉帛秦兮漢襟帶耕桑郡復州  
保泰惟斯躬所勉況榮若彼志毋留

兩度天門親拾級

義碑捧讀憶從頭戊辰年事那堪道丁丑春巡過似浮不  
改肝腎勤庶政惟期樂利永齊州省方繼

武一心切詎是無端七字留

閱本

封篆例應過節開閣章今日驛傳來敢云披閱吾門矣  
並勅幾康其慎哉問俗巡方惟敬事察言觀行更量平聲  
材重熙處泰宜何務堯典欽明一語該

過汶河

靈源遠溯出萊蕪行地橫陳齊魯都是日輕輿復經過  
春風野約自清殊昔今不異觀民切來往寧因問景紆  
分水北南胥濟運古人相土有良模

至泉林二首再疊舊作韻

泉林子在川上處成誦髫齡記憶明五十望牆猶未入  
東西歸壑又逢晴泉林即陪尾山東西各有泉出牆則合一川為泗水矣門庭熟  
路無須問軒榭前題有若迎勝地良辰扶

翠輦

高年總賞足娛情

我曾兩度駐負尾絕勝渾如初度來何必管絃誇熱鬧  
可知泉石稱清陪觀民蒿目盈寧耳近

聖翹心鑽仰哉較量前番幸成武

丁丑過此時西師尚未歲事有不異前茲

惟問夜軍書籌畫為惶徊之句幾閒對景一徘徊

三題泉林行宮八景

近聖居

近聖人居若此甚然而無有則亦無子輿斯語俟神會

會者依稀程與朱

在川處

泛海猶然來往續印心何異鏡開奩千秋川上徘徊者  
誰解宣尼道體拈

鏡瀾樹

白露妍媸不示形迴塘流動復滌渟何須博古圖中考  
此是軒轅一片青

橫雲館

陪瓦何曾高百丈地靈亦自解生雲憑軒不惜藏山色  
却為春郊作雨欣

九曲釣

山下出泉成野河板橋接岸往來過底須九曲擬仙境  
樂事由來名教多

柳烟坡

大戴禮詮正月候協時近可驗長條若為畫筆能傳照  
烟意惟看此處饒



古蔭堂

杞樹輪囷巧覆墀  
春來重見出塵姿  
喬柯為問何年發  
性善曾箴告子時

紅雨亭

春曉緋枝苞尚含  
趙程逃蹕指江南  
漫言佳景成孤負  
看到霏霏轉不堪

賜山東巡撫阿爾泰及其屬吏食詩以示志

泉林卓午駐瑜輪  
賜食茲邦執役臣  
灑道清塵都致敬

遊休豫助重時巡詎欣別館美如許惟厓災區惠可均  
一食不忘君見說還當一食不忘民

泉林行宮晚坐

別館春風夕景侵泉林真箇好泉林盛名難副茲誠副  
聖蹟宜尋近可尋川氣渝然連古樹暮春遯爾隱遙岑  
神凝乍欲忘機象剪燭匡床又課吟

綽楔穿碑八十年

行宮前  
二十三年

皇祖碑記此時是康熙  
南巡旋蹕將詣曲阜

經此  
所建每來敬識弼仔肩總林樂利仍依舊赫濯聲靈勉

繼

前祇祝耕犁豐沃野幸過籌筆奠新邊  
卷阿幾度分明憶駒隙遷中有不遷

微雪四首

兩度蒙山都見雪今來峯頂又生雲  
已看積玉原如昔設更飛霙益可欣

厯辰過午蔚雲濃憑轡遙看麥壠封  
傍晚綏綏忽密灑春郊如約邁奇逢

亂飄斜墮態森森  
羶室茶爐悅可心  
素積高峯直北望

蒙陽瑞色接蒙陰

辛未丁丑年皆有恭和  
皇祖蒙陰積雪詩

原田三白積漫漫  
微雪欣宜此處看  
便使開晴尤恰當

恐妨春氣轉嚴寒

蒙陰積雪三依

# 皇祖詩韻

瑞雪春朝遍野村

立春日京畿至齊魯普  
獲瑞雪此處尤渥霑

節遲遇閏未

興農山靈益不違

堯命示我

詩情在玉峯

望蒙山雪色再疊舊韻

翠微積素訝偏同三度春光一例中此可無言平野過  
試看有霧遠峯蒙賦情因遇思梁苑詩意其雲緬衛風  
較量前番饒厚幸伊犁早慶兆農功

丁丑疊韻有退心憶到伊犁塞佇待

王師早建功之句近得駐伊犁大臣阿桂奏則各屯屯政畢興收穫倍稔且遇冬雪兆慶有秋實堪欣慰也

萬松山停蹕

停蹕山欣號萬松春晴滃然綠陰濃無多室宇花宮側  
近遠都來眼界供

北軒耐可縱遙眸疊浪喬松翠欲流設擬遨遊雲海上  
不瀛州定是防邱

春風琳宇小停驂幾懽青雲映碧潭謾議小山無故事  
八公見說晤淮南

二月朔日復雪

前日微飄今大作行營早是駐鳴驂背迷遠岫銀屏續

細糝長空玉鳳毳滋護麥根纔仲月芳遲梅蕊待江南  
發生未覺寒無礙喜遽勾吳潤意含

晴三首

昨日雪將二寸餘嚴寒切慮變春初晴和更復無風色  
策馬青郊意為舒

路放瑯琊遵海南橋過沂水境臨郊萬民迎蹕情親切  
露冕南巡逮此三

軟曦融雪作輕泥喜復無塵逐馬蹄却為閏年遲節令

麥苗待看茁青齊

郊子園六韻

觀民指吳會按頌莅郊墟少皞嗣封後春風駐節餘何  
當庭館此為愧盱宵予一宿園奚藉千秋蹟信諸既成  
斯不說至止偶相於誰與徵傾蓋因之試訪書

欽定南巡盛典卷七